
OFFERYNNAU STATUDOL CYMRU

2015 No. 1305

Rheoliadau Gofal a Chymorth (Asesu) (Cymru) 2015

Hyfforddiant, arbenigedd ac ymgynghori

3.—(1) Rhaid i awdurdod lleol sicrhau bod unrhyw berson sy'n cynnal asesiad—

- (a) yn meddu ar y sgiliau, yr wybodaeth a'r cymhwysedd i gynnal yr asesiad o dan sylw, a
- (b) wedi cael hyfforddiant i gynnal asesiadau.

(2) Wrth gynnal asesiad, rhaid i awdurdod lleol ystyried a yw natur anghenion y person yn galw am ymglymiad person a chanddo sgiliau arbenigol, gwybodaeth arbenigol neu arbenigedd.

(3) Os yw'r awdurdod lleol yn penderfynu bod galw am ymglymiad o'r fath, rhaid iddo naill ai ymgynghori â pherson a fyddai'n gallu darparu'r sgiliau hynny neu'r wybodaeth honno neu'r arbenigedd hwnnw neu drefnu i'r asesiad gael ei gynnal gan berson a chanddo'r sgiliau arbenigol, yr wybodaeth arbenigol neu'r arbenigedd sy'n ofynnol.